



**CONCELLO DE VIGO**

Expte. 1856/1102

**ACTA DA XUNTA DE GOBERNO LOCAL**  
**Sesión do 28 de FEBREIRO de 2025**

**ASISTENTES:**

**Membros :**

D. Abel Caballero Álvarez  
D. Francisco Javier Pardo Espiñeira  
D<sup>a</sup> Elena Espinosa Mangana  
D<sup>a</sup> M<sup>a</sup> José Caride Estévez  
D. Angel Rivas González  
D<sup>a</sup> Patricia Rodríguez Calviño

**NON ASISTEN:**

D<sup>a</sup> M<sup>a</sup> Carmen Silva Rego  
D<sup>a</sup>. Ana M.<sup>a</sup> Mejías Sacaluga  
D<sup>a</sup> Yolanda Aguiar Castro  
D. Jaime Aneiros Pereira

Na Casa do Concello de Vigo, ás trece horas e corenta e cinco minutos do día vinte e oito de febreiro de dous mil vinte e cinco e baixo a presidencia do Excmo. Sr. alcalde, Sr. Caballero Álvarez, coa asistencia dos concelleiros/as anteriormente citados, actuando como Secretaria a concelleira, Sra. Rodríguez Calviño, constitúese a Xunta de Goberno Local desta Corporación co obxecto de realizar sesión EXTRAORDINARIA E URXENTE de acordo coa orde do día remitida a tódolos membros coa antelación legal precisa.

Están tamén presentes por invitación, a secretaria de Goberno local, Sra. Gallardo Fariña, e a titular da Asesoría Xurídica, Sra. Parajó Calvo.

A Xunta de Goberno Local adopta os seguintes acordos:

**1(146).- RATIFICACIÓN DA URXENCIA.**

A Xunta de Goberno local ratifica a urxencia da sesión segundo consta nas dilixencias dos servizos incorporadas nos expedientes que se someten a aprobación na presente sesión.

Antes do tratamento dos asuntos para a súa aprobación, os membros da Xunta de Goberno Local presentes manifestan non estar incurso en causa de incompatibilidade ni conflito de intereses, nos termos establecidos no modelo aprobado para a Xunta de Goberno Local por Resolución da Concellería Delegada de Xestión Municipal de data 24.02.2021, e de conformidade co Plan de Integridade na Contratación, aprobado pola Xunta de Goberno Local en data 12.12.2020, e o seu Desenvolvemento Operativo aprobado por resolución da Concellería Delegada de Xestión Municipal de data 17.12.2019.

**2(147).- EXPEDIENTE DE CONTRATACIÓN E ADJUDICACIÓN DO SEGURO COLECTIVO DE ACCIDENTES PARA A ACTIVIDADE DESENVOLVIDA POLAS PERSOAS VOLUNTARIAS INSCRITAS NA OFICINA MUNICIPAL DE VOLUNTARIADO: ADHESIÓN AO ACORDO MARCO DE SEGUROS PRIVADOS DA CENTRAL DE CONTRATACIÓN DA FEMP (LOTE 10). EXPTE. 1868/322.**

Visto o informe de fiscalización de data 28/02/2025 e o informe-proposta de data 28/02/2025, asinada pola xefa do Servizo de Contratación, a xefa de Participación Cidadá e Desenvolvemento local e conformado pola concelleira da Área de Goberno e pola letrada-titular de Asesoría Xurídica Municipal, que di o seguinte:

**NORMATIVA DE APLICACIÓN**

-Lei 9/2017, de 8 de novembro, de Contratos do Sector Público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014 (LCSP)

-Real Decreto 1098/2001, de 12 de outubro, polo que se aproba o Regulamento xeneral da Lei de contratos das administracións públicas (RLCAP)

-Lei 7/1985, de 2 de abril, reguladora das bases do réxime local (LBRL)

-Real Decreto - Lexislativo 781/1986, de 18 de abril, texto refundido das disposicións legais vixentes en materia de réxime local (TRRL)

-Lei 5/1997 de 22 de xullo de Administración Local de Galicia (LALGA)

**ANTECEDENTES**

**Primeiro.-** A Federación Española de Municipios e Provincias (FEMP), por acordo da súa Xunta de Goberno do 28 de xaneiro de 2014, aprobou a creación dunha Central de Contratación ao amparo do previsto na Disposición Adicional Quinta da Lei 7/1985, do 2 de abril, reguladora das Bases do Réxime Local, conforme á redacción dada á mesma polo artigo 1.35 da Lei 27/2013, do 27 de decembro, de Racionalización e Sustentabilidade da Administración Local. A Central de Contratación da FEMP réxese polo disposto nos artigos 227 e seguintes da Lei 9/2017, do 8 de novembro, de Contratos do Sector Público.

**Segundo.-** A Xunta de Goberno Local, na sesión ordinaria do 17 de febreiro do 2022, acordou:

“PRIMEIRO.- Adherirse á Central de Contratación da FEMP a fin de poder contratar as obras, servizos e subministracións que oferte, de conformidade ás condicións e prezos que se fixen nos correspondentes contratos ou acordos marco que se subscriban entre a dita central e as empresas adjudicatarias dos mesmos.

SEGUNDO.- Axustarse ao establecido no Regulamento de Funcionamento da



## CONCELLO DE VIGO

Expte. 1856/1102

Central de Contratación da FEMP, en concreto, nas cláusulas referentes ao ámbito de aplicación, funcionamento, dereitos e obrigacións das Entidades Locais.

TERCEIRO.- Remitir o presente acordo á FEMP para os efectos oportunos”.

**Terceiro.-** A FEMP, a través da súa Central de Contratación licitou o Acordo Marco para a contratación de determinados contratos de seguros, dividido en lotes, sendo o lote 10 relativo a **“SEGURO COLECTIVO DE ACCIDENTES PARA ENTIDADES LOCAIS, ORGANISMOS AUTÓNOMOS E ENTES DEPENDENTES ”**.

O citado lote 10 do acordo marco foi adxudicado a SURNE MUTUA DE SEGUROS Y REASEGUROS A PRIMA FIJA, MARKEL INSURANCE SE SUCURSAL EN ESPAÑA y AIG EUROPE SA SUCURSAL EN ESPAÑA e está en vigor dende o 28 de novembro de 2024. Ten un prazo de duración de dous anos e prevé dúas prórrogas dun ano de duración cada unha. De acordo co establecido no PCAP e PPT e demais documentación que consta no expediente, este contrato celébrase en tempo e forma.

**Cuarto.-** Mediante resolución de 4 de abril de 2024 a concelleira delegada da Área de Contratación acordou iniciar o expediente para a adhesión ao Acordo Marco da FEMP para a contratación de servizos de mediación de seguros privados do Concello de Vigo e os seus organismos autónomos”, nos termos que correspondan consonte á normativa vixente.

**Quinto.-** A Xunta de Goberno Local, na sesión ordinaria do 21 de xuño de 2024, adoptou o seguinte acordo:

*“Primeiro.- Aprobar o expediente de contratación de mediación de riscos e seguros para o Concello de Vigo e os seus Organismos Autónomos.*

*Segundo.- Adxudicar o contrato baseado no Acordo Marco de mediación de riscos e seguros formalizado pola Central de Contratación da FEMP con data 19 de abril de 2024 de acordo coas seguintes características e distribución por lotes:*

*[...] Lote 3: Seguro colectivo de accidentes e vida para Entidades Locais e Entes dependentes e outros riscos vinculados a danos sobre as persoas*

*Adxudicatario: UTE MARSH S.A. MEDIADORES DE SEGUROS Y DEASTERRA PARTNERS, S.L*

*Comisión ofertada: 11%.*

*Valor estimado do contrato para este lote: 151.801,75 euros*

*Duración do contrato: 12 meses máis dúas prórrogas de 12 meses de duración cada unha.*

*Condición especial de execución: Que o persoal adscrito a cada Contrato baseado teña contrato indefinido, achegando a adxudicataria a declaración responsable correspondente ao comezo do contrato baseado*

*Responsables do contrato: Seguro colectivo de accidentes e vida para Entidades Locais e Entes dependentes e outros riscos vinculados a danos sobre as persoas a xefa da área de Recursos Humanos. No ámbito do seguro colectivo de accidentes*

*deportivos e lesións deportivas para o desenvolvemento do programa municipal de escolas deportivas, competicións internas e actividades complementarias: o Adxunto Xefe do Servizo de Deportes-Director Técnico [...]"*

**Sexto.-** O 20 de febreiro de 2025 a concelleira da Área de Emprego, Patrimonio, Participación Cidadá, Tecnoloxía e relación coas Empresas acordou iniciar o expediente de **CONTRATACIÓN DUNHA PÓLIZA DE SEGURO COLECTIVO DE ACCIDENTES PARA A ACTIVIDADE DESENVOLVIDA POLAS PERSOAS VOLUNTARIAS INSCRITAS NA OFICINA MUNICIPAL DE VOLUNTARIADO.**

**Sétimo.-** En data 20 de febreiro de 2025 procedeuse a enviar documento de invitación ás empresas adxudicatarias do lote 10 a través da plataforma informática da Central de Contratación da FEMP.

**Oitavo.-** Recibidas as ofertas dentro do prazo conferido para o efecto, procedeuse á súa valoración pola empresa adxudicataria do contrato baseado de mediación de riscos e seguros, UTE MARSH S.A. MEDIADORES DE SEGUROS Y DEASTERRA PARTNERS, S.L, conforme aos criterios de adxudicación e a súa ponderación establecidos na cláusula 21.2 do PCAP. O informe de valoración foi anexado ao xestor de expedientes no trámite 26. Á vista do mesmo, o licitador que obtén a maior puntuación é **SURNE MUTUA DE SEGUROS Y REASEGUROS A PRIMA FIJA.**

**Noveno.-** Constan no expediente o documento contable de retención de crédito, de data 28 de febreiro de 2025 (RC nº 12025000020148 por importe de 10.360,80 euros) así como os certificados de estar ao corrente nas obrigas tributarias (AEAT, ATRIGA e Tesourería municipal) e coa Seguridade Social.

## **FUNDAMENTOS XURÍDICOS**

**-I-**

### **Do expediente de contratación**

A celebración de contratos por parte das Administracións Públicas require a previa tramitación dun expediente, que se iniciará polo órgano de contratación motivando a necesidade del contrato.

Se ben a iniciación do expediente de contratación correspóndelle ao Órgano de Contratación (artigo 116.1 LCSP), que nos municipios de gran poboación, como é o caso de Vigo, é a Xunta de Goberno Local (disposición adicional 2ª. 4 da LCSP), delegouse nos concelleiros de Área por acordo da Xunta de Goberno Local de data 22/06/2023.

O expediente refírese á totalidade do obxecto, de conformidade co requirido polo artigo 116.2 da LCSP, e incorpora o Prego de Cláusulas Administrativas Particulares e de Prescricións Técnicas reitores do contrato (artigo 116.3 da LCSP).

No mesmo xustifícase a necesidade e idoneidade do contrato (artigo 28 e 116.4.e LCSP) e a xustificación da insuficiencia de medios (artigo 116.4 f). Así mesmo, consta na memoria económica elaborada polo servizo xestor xustificación de non desequilibrio orzamentario e que non afectará á sustentabilidade financeira do Concello (artigo 7.3 da Lei orgánica 2/2012, do 27 de abril).



## CONCELLO DE VIGO

Expte. 1856/1102

O contrato baseado terá unha duración de 1 ano, contemplándose unha prórroga de 1 ano.

Constan no expediente os certificados de existencia de crédito de data 28 de febreiro de 2025.

-II-

### Do acordo marco

O artigo 218 da LCSP regula sistemas para a racionalización da contratación das administracións públicas, entre os que se atopan os acordos marco.

Mediante os acordos marcos, un ou varios órganos de contratación subscriben, cunha ou varias empresas, as condicións a que se deberán axustar os contratos que pretendan adxudicar durante un período determinado, que non poderá exceder dos catro anos (artigo 219.1 e 2 da LCSP).

Tal e como se indicou nos antecedentes, esta Administración adheriuse á central de contratación da FEMP, a cal subscribiu un acordo marco para a contratación de determinados contratos de seguros. O lote 10 relativo ao **SEGURO COLECTIVO DE ACCIDENTES PARA ENTIDADES LOCAIS, ORGANISMOS AUTÓNOMOS E ENTES DEPENDENTES** ".foi adxudicado a SURNE MUTUA DE SEGUROS Y REASEGUROS A PRIMA FIJA, MARKEL INSURANCE SE SUCURSAL EN ESPAÑA y AIG EUROPE SA SUCURSAL EN ESPAÑA e está en vigor dende o 28 de novembro de 2024. Ten un prazo de duración de dous anos e prevé dúas prórrogas dun ano de duración cada unha

A lei esixe os seguintes **requisitos para a adxudicación do contrato baseado nun acordo marco**:

1. A vixencia do acordo marco (artigo 219.3 da LCSP). Para fixar a data relevante para o cumprimento deste requisito a lei distingue dous supostos, que sexa necesario realizar unha licitación para a adxudicación do contrato baseado, ou que non sexa necesaria, como no suposto que nos ocupa. En este segundo caso a data relevante será a da adxudicación do contrato baseado. Do dito despréndese que o acordo marco para a contratación de determinados contratos de seguros da FEMP na actualidade está vixente.
2. Só se poderán subscribir contratos baseados nun acordo marco entre as empresas e os órganos de contratación que fosen orixinariamente partes nel, salvo no caso de que se trate de acordos marco realizados por centrais de contratación (artigo 221.1 en relación co artigo 227.4 da LCSP). Neste caso, poderanse subscribir contratos baseados entre as empresas e entes do sector público parte do acordo marco, así como por outros entes do sector público, sempre que os ditos entes, entidades ou organismos se identificasen no prego regulador do acordo marco, e se fixese constar esta circunstancia na convocatoria de licitación, como acontece no presente caso.
3. A remisión do correspondente anuncio á Oficina de Publicacións da Unión Europea, no caso de que se trate de contratos suxeitos a regulación harmonizada, no prazo de trinta días desde a súa formalización (artigo 220.2 da LCSP).

4. A súa publicación no perfil de contratante do órgano de contratación (artigo 220.2 da LCSP).

Tal e como determina o artigo 36.3 da LCSP os contratos baseados nun acordo marco perfecciónanse coa súa adxudicación.

### **-III-**

#### **COMPETENCIA**

A aprobación do expediente de contratación correspóndelle á Xunta de Goberno local, na súa calidade de órgano de contratación (disposición adicional 2ª. 4 LCSP).

É preceptivo, con carácter previo á aprobación do expediente de contratación, o informe da asesoría xurídica (Disposición adicional 3ª.8 da LCSP), e a fiscalización previa.

#### **ACORDO**

Por todo o exposto, e unha vez incorporados ao expediente informe da titular da asesoría xurídico, e o informe de fiscalización, propónse á Xunta de Goberno local que adopte o seguinte acordo:

“Primeiro.- Aprobar este expediente de contratación do SEGURO COLECTIVO DE ACCIDENTES PARA A ACTIVIDADE DESENVOLVIDA POLAS PERSOAS VOLUNTARIAS INSCRITAS NA OFICINA MUNICIPAL DE VOLUNTARIADO, mediante adhesión ao acordo marco de seguros privados da Central de Contratación da FEMP, lote 10 SEGURO COLECTIVO DE ACCIDENTES PARA ENTIDADES LOCAIS, ORGANISMOS AUTÓNOMOS E ENTES DEPENDENTES.

Segundo.- Adxudicar a SURNE MUTUA DE SEGUROS Y REASEGUROS A PRIMA FIJA o contrato do seguro COLECTIVO DE ACCIDENTES PARA A ACTIVIDADE DESENVOLVIDA POLAS PERSOAS VOLUNTARIAS INSCRITAS NA OFICINA MUNICIPAL DE VOLUNTARIADO baseado no Acordo Marco de mediación de seguros privados da Central de Contratación da FEMP, lote 10 SEGURO DE ACCIDENTES PARA AS ENTIDADES LOCAIS, ORGANISMOS AUTONÓMOS E ENTES DEPENDENTES.

Terceiro.- O importe máximo do contrato é de 6.215,43 euros, segundo consta na memoria económica do servizo xestor.

Cuarto.- O contrato baseado terá unha duración de 1 ano, contemplándose unha prórroga de 1 ano, e iniciarse ás 00:00 do día 3 de marzo de 2025 ata as 24:00 horas do 2 de marzo de 2026.



**CONCELLO DE VIGO**

Expte. 1856/1102

Quinto.- O gasto imputarase á aplicación orzamentaria dos vixentes orzamentos do Concello de Vigo para o ano 2025, 9251 2240000 “SEGURO VOLUNTARIOS/AS” e con cargo á bolsa de vinculación se fose preciso.

Anualidade	Importe con IVE
2025	6.215,43 euros

Sexto.- Noméase responsable do contrato baseado á xefa de Participación Cidadá e Desenvolvemento Local”.

**ACORDO**

A Xunta de Goberno local aproba a proposta contida no precedente informe.

E sen ter máis asuntos que tratar, o Sr. Presidente rematou a sesión ás trece horas e cincuenta minutos. Como secretaria dou fe.

SGF/me.

A CONCELLEIRA-SECRETARIA DA XUNTA DE GOBERNO LOCAL,  
Patricia Rodríguez Calviño.

O ALCALDE  
Abel Caballero Álvarez